

Federalni šumarski inspektorat
Broj: UP1-13-22-2-04766/2025-1303-7-P
Datum, 25.12.2025. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 30-12-2025			
Org. jed.	Broj	Priloga	Vrijednost
05/1	-02-	715	/25

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI DOM
n/p – predsjedavajući Dragan Mioković
veza vaš broj: 05/1-02-715/25 od 12.11.2025.godine

n/p zastupnik Damir Nikšić

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
GENERALNI SEKRETARIJAT VLADE FBiH
n/p Generalna sekretarka – dr.sci. Edita Kalajdžić
veza vaš akt br. 03-04-908-16/2025 od 14.11.2025.godine

PREDMET: Odgovor na poslaničko pitanje Damira Nikšića, dostavlja se

Poštovani,

Federalna uprava za inspekcijske poslove zaprimila je dana 05.12.2025.godine akt gornji broj koji je poslaničko pitanje, koje je postavio uvaženi poslanik Damir Nikšić.

Pitanjem je zatražio da mu se odgovori da li firma „SEVEN PLUS“ d.o.o. Sarajevo, Antuna Branka Šimića br.3, iz Sarajeva ima odgovarajuće dozvole za aktivnosti sječe šume i gradnju pristupnog puta u pravcu rudnika na lokalitetu Duboštica-Tribija, općina Vareš, Zeničko–dobojski kanton.

U pripremi odgovora na predmetno pitanje, učešće je uzeo Federalni šumarski inspektorat kako slijedi:

U toku mjeseca augusta 2025.godine, Glavni federalni šumarski inspektor po ovlaštenju, u saradnji sa Kantonalnim šumarskim inspektorom Ze-do kantona, je izvršio inspekcijski nadzor, a vezano za izvođenje radova u Šumskogospodarskom području „Olovsko“, Gospodarska jedinica Tribija–Duboštica, odjel 173 i odjel 174, od strane preduzeća „Seven plus“ doo Sarajevo.

Inspekcijskim nadzorom je utvrđeno da predmetno preduzeće posjeduje svu potrebnu dokumentaciju za izvođenje radova kako slijedi:

- Odluka o dodjeli koncesije od strane Vlade Ze-do kantona;
- Ugovor o koncesiji;
- Rješenje za urbanističku saglasnost;
- Rješenje kantonalnog ministarstva poljoprivrede, vodoprivrede i šumarstva o uspostavi prava služnosti za izgradnju i korištenje pristupnih puteva- trajno;
- Ugovor o uspostavi prava služnosti na državnom šumskom zemljištu;
- Rješenje kojim se odobrava izvođenje detaljnih istraživanja rude hroma i pratećih minerala, od strane Federalnog ministarstva energije, rudarstva i industrije Mostar;
- Obavijest o početku radova navedenom ministarstvu;
- Saglasnost za radove izdata od strane „ŠPD Ze-do kantona“ doo Zavidovići, koji su izradili i projekte za sječu, izvoz i otpremu drvne mase.

(Kopije dokumentacije čine sastavni dio Zapisnika o inspekcijskom nadzoru broj UP1-13-22-2-00058/2025, od 19.08.2025. godine)

U toku inspekcijskog nadzora, utvrđene su slijedeće činjenice:

- U toku postupka pribavljanja dozvola, preduzeće „Seven plus“ d.o.o. Sarajevo se obratilo Federalnom ministarstvu poljoprivrede, vodoprivrede i šumarstva za izdavanje odobrenja za geološko istraživanje mineralnih sirovina rude hroma, odnosno za promjenu namjene šumskog zemljišta u građevinsko zemljište. Ministarstvo je dostavilo odgovor aktom broj UP-I-08-22-3064/22 KK, od 03.11.2022, u kojem se navodi da trenutno nije postojao propis iz oblasti šumarstva (Zakon o šumama), a Odlukom o načinu pretvaranja šumskog zemljišta u građevinsko („Službene novine FBiH“ broj:108/12) nije definisano izdavanje dozvole za promjenu namjene šumskog zemljišta u svrhu istraživanja mineralnih sirovina, kao radove privremenog karaktera. Upute su bile da se traži saglasnost od preduzeća šumarstva Ze-do kantona. Odluka Visokog predstavnika o zabrani raspolaganja državnom imovinom, u što spadaju i šume i šumska zemljišta, je tada bila na snazi i bila je obavezujuća.
- Niti jedna od institucija, pri izdavanju dobrenja za rad, nije uvažila postojanje odredbi Zakona o privremenoj zabrani raspolaganja državnom imovinom BiH („Sl glasnik BiH“ broj 18/05, 29/06, 85/06, 32/07, 41/07, 99/07, 58/08 i 22/22), a što se odnosi i na šume i šumska zemljišta.

S obzirom da na području Federacije Bosne i Hercegovine ne postoji Zakon o šumama, upravne mjere su donesene od strane šumarske inspekcije Ze-do kantona.

Kantonalni šumarski inspektor je i ranije bio na ovom terenu, po istom predmetu nadzora, te je na osnovu Zapisnika o inspekcijskom nadzoru izdao rješenje o privremenoj zabrani rada preduzeću „Seven plus“ d.o.o. Sarajevo. Rješenje o privremenoj zabrani rada je izdato zbog utvrđene činjenice da preduzeće „Seven plus“ d.o.o. Sarajevo ne posjeduje Rješenje za izvođenje radova u šumarstvu.

U međuvremenu, privredno društvo je pribavilo predmetno rješenje.

Nakon zajedničkog inspekcijskog nadzora dana 19.08.2025. godine, zbog problematike predmeta odlučeno je da se po ovom predmetu, traži mišljenje od strane Pravobranilaštva Bosne i Hercegovine, što je Federalna uprava za inspekcijske poslove i učinila.

Kantonalni šumarski inspektor je izdao novo rješenje o privremenoj zabrani rada, dok se ne dobije odgovor od strane Pravobranilaštva BiH. Privredno društvo je uložilo žalbu na

predmetno rješenje Kantonalnog inspektora, koja je prihvaćena od strane nadležnog ministarstva, te je predmet vraćen na ponovno postupanje.

Zahtjevom za mišljenje i stav u ovom predmetu, Federalna uprava za inspekcijske poslove obratila se na dvije adrese, Pravobranilaštvu Bosne i Hercegovine i Tužilaštvu Bosne i Hercegovine.

Odgovor od strane Tužilaštva BiH je stigao u kojem se navodi: „ **Izvršenim uvidom u sadržaj dopisa utvrđeno je da ne postoji zakonski osnov za postupanje Tužilaštva BiH**“.

Ured Pravobranilaštva BiH, nije odgovorio na zahtjev, te smo dana 22.10.2025. godine uputili akt Urgencije za odgovor. Do danas, odgovor na naš dopis nije stigao.

Nakon usvajanja Žalbe na rješenje kantonalnog šumarskog inspektora, inspektor je donio Zaključak, kojim se postupak obustavlja do rješavanja predhodnog pitanja, a koje se odnosi na odgovor Pravobranilaštva BiH.

S poštovanjem,

M.P.

DIREKTORICA


Ivana Prvulović

Dostavljeno:

- ① x Predsjedavajući- Dragan Mioković
- 1 x poslanika Damir Nikšić
- 1 x Generalna sekretarka Vlade FBiH – dr. sci. Edita Kalajdžić
- 1 x a/a